

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

104. Quanta sit obligatio legendi missas impositas Capellaniæ in Ecclesia
vel altari à fundatore designato, & ad quid hoc negligens Capellanus
teneatur, & quis in eo dispensare possit.

[urn:nbn:de:hbz:466:1-74477](#)

portent, quod Capellania sit sacerdotalis actu, idem etiam importare debeant in fundatione persona Ecclesiastica. Attendenda namque hic solum sunt verba fundationis, & eorum vis. Garc. loc. cit. n. 83. Secundò: requiritur actu sacerdotium, dum fundator vel statutum dicit, aut consuetudo habet, ut provisus sit Capellanus vel sacerdos: particula enim illa vel, est solum declarativa. Zech. de rep. Eccl. c. de beneficiar. n. 4. Tuschus lit. E. concl. 57. apud Garc. loc. cit. n. 60. & 72.

2. Respondeo secundò: Capellania ex eo, quòd fundator dixit, Capellatum debere celebrare missas seu divina officia, non est sacerdotalis, nec actu, nec aptitudine; sed conferri potest simplici Clerico, etiam tantum primæ tonsuræ, qui eam per substitutum administret. Card. de Luca, de benef. d. 61. n. 3. & 7. Garc. loc. cit. n. 85. & seq. citans pro hac responsive AA. quā plurimos, pluresque Rotæ & S. Congreg. decisi. clarissimas ad longum. Vide etiam Gonz. l.c. gl. 5. n. 72. item Lott. l. 2. q. 47. à n. 34. ubi ait: annexio sacerdotii minimè argui potest ab annexione oneris celebrandi ob separabilitatem facti celebrationis ab ipso onere; quod ut per alium non possit absolvī, nullo jure cautum est; pro quo citat prater alios Felin. in c. eum omnes. de confit. n. 3. dicentem ita de generali consuetudine servari; & ait hanc sententiam sēpissime probatam à Rota, cuius plures decisi adducit n. 35. Unde quamvis fundator vel statutum referat onus illud celebrandi ad personam beneficiarii; dum tamen expresse non removet hanc facultatem celebrandi per alium, quæ est à jure communi; potius censetur voluisse conformare se cum eo jure, quā ab ejus orbita recedere: cū omnī dispositiō nudis verbis prolatā vestiatur à jure communi. l. quarto. ff. locati. Lott. n. 36. atque ita tunc inflētitur ea relatio, ut ster demonstrativè ad qualitatem oneris; non autem dispositivè ad qualitatem persona. ut Lott. n. 37. Rationem responsionis præter eam, quam afferam infra loc. cit. hanc quoque afferat Garc. n. 92. ex eo tunc posse isti oneri satisfieri per substitutum, quod non fit in eo casu electa industria persona, & hinc valeat, quod quis per alium facit, per se ipsum facere videtur.

3. Respondeo tertio: Capellania erit quidem sacerdotalis, ut Lott. n. 38. citans Gonz. gl. 5. n. 100. & 107. non tamen adhuc erit sacerdotalis actu, sed solum aptitudine, ubi fundator dixit, Capellatum debere celebrare per se ipsum, seu debere personaliter defervire, vel debere residere. Garc. n. 98. citans Gonz. loc. cit. n. 100. Nav. &c. Item declar. S. Congreg. de Anno 1604. quam se authenticè vidisse teletur, qua inter cetera sic habet: *Si ex fundatione autem, ut Capellanus per se ipsum celebret missas, simplici adhuc conferri potest clero, iuxta tamen etate constituto, ut intra annum ad sacerdotium promoveri queat.*

4. Respondeo quartò: Capellania ex hoc erit adhuc sacerdotalis aptitudine, quòd præter onus legendi missas habet onus juvandi curatum in cantando, & aliis similibus assistendi in choro: tunc enim censetur injunctum servitum persone non tantum chori, sed etiam missarum; adeoque eas non poterit curare legi per alium. Garc. loc. cit. n. 89. Filiuc. tr. 41. c. 1. n. 15. Porro quis dispensare possit quoad dictam qualitatem requisitam à fundatore, & qualiter ei derogetur per provisionem Apostolicam, vide ex dicendis seq. loc. cit. Vide quoque Garc. loc. cit. n. 102. & seq. fusæ de hoc. Ac denique qualiter providendum in casu voluntatis

tatis fundatori ambiguae, deducenda ex verbis vel conjecturis, vide apud Card. Luca de benef. d. 86. ferè per tot. ubi etiam, quæ distinctio inter vocabula presbyter & sacerdos in hoc vel illo idiomate, in quo conscripta est fundatio. Plura de hoc vide, ubi de arte requisita ad singula beneficia. seq. seq.

Questio 103. Quid si ergo in fundatione Capellania dicatur: presentetur sacerdos proximior in sanguine, si inventetur alias Clericus, num si tempore presentationis fuerit aliquis sacerdos, is presentari debeat, et si sit remotior, & alteri proximiō p̄ferendus, et si hic postea adhuc ante institutionem remotioris illius eſſer jam factus sacerdos.

R Espondeo affirmativè: attendi enim debet tempus presentationis. Garc. loc. cit. n. 73. citans pro hoc Perez de Lara, & decisi. Rotæ.

Questio 104. An & quanta sit obligatio legendi missas impositas Capellania in Ecclesia, facello, vel altari à fundatore designato, & ad quid hoc negligens Capellanus teneatur; & quis in eo dispensare possit?

1. R Espondeo ad primum affirmative: non enim satisficeret alias voluntati fundatori. Corr. l. 2. c. 11. n. 20. & 27. cum communi. Respondet idem ad secundum. n. 22. Capellum circa legitimam causam celebrando alibi peccare mortaliter. Respondet ad tertium: non tamen teneri illum missas lectas alibi legere denio in loco designato: quia jam in substantia satisfactum oneri missarum injuncto à fundatore, neque ad ullam aliam restitucionem; quia non privavit fundatorem fructu beneficii. Corrad. ibidem. n. 23. & 24. citans Barb. de potestate Episc. alleg. 24. v. 36. & Fraxinell. de oblig. sacerd. seq. 4. corol. 5. §. 3.

2. Respondet ad quartum dispensare in hoc non posse Episcopū (etiam consentientibus hæredibus; cū non agatur in hoc puncto de voluntate hæredum, sed fundatori. Navar. de orat. c. 5. n. 2. & 12.) cum verò sic derogaret menti fundatori, quod non potest. Corrad. n. 25. & 26. Nequidem dum Capellanus ratione studiorum abest, & ut sentire videtur Barb. loc. cit. ex Henr. Corr. ibid. ubi ait: & in hoc casu de necessitate petendum indulsum Pontificium, censiū à peritissimis Curialibus, uti & num. 20. ait, praxis ipsam docere, non nisi de licentia Papæ licere dictas missas celebrare alibi.

Questio 105. An, & quando numerus missarum ex fundatione impositus Capellania (idem est de Vicariis, aliisque similibus beneficiis) reduci possit per Ordinarium, quando reditus diminuti sunt & insufficientes tali oneri?

R Espondeo: tametsi Episcopi in Synodo dicefanā, uti & Abbates, Generalisque ordinum in Capitulis Generalibus ex concessione Trid. sess. 25. c. 4. de reform. (cujus concessionis varias limitationes, explicationes, & variorum super ea sententias vide apud Garc. loc. cit. n. 127. & seq. Vide etiam Barb. de potest. Episc. alleg. 29.) possint, re diligenter perspecta, prout major Dei honor